

土苴集

涵芬樓
笈第七集

士苴集引

杜少陵云語不驚人死不休此少陵作詩法也昌黎公云維陳言之務去此昌黎作文法也詩者文之精也欲其句之驚人言之去陳豈易能哉必本之以天質加以以問學正之以師友而又有識以主之於是吐辭爲詩不期驚人而人自無不驚不期去陳而陳自無不去蓋其始也雖出於有心而其後也卒泯於無迹此詩家之至妙而可易而言邪古之詩人衆矣青蓮居士獨稱謝朓有驚人之句宋人詩惟山谷老人不隨人後說者稱其能出新意則其他可知也世之人操觚搖毫動輒爲

詩然有天質者或不足於學其有學者或不美於質二者具矣或不取裁於人是猶爲方而無矩爲圓而無規而所謂識則又超乎三者之外滄浪嚴氏謂詩有別材復有別趣殆主識而言而其他日乃以粘滯腐熟爲詩之大忌此則少陵昌黎之意也嘉興周先生伯器有詩二卷曰土苴集先生嘗以文章家名淞水詩不止是然語之驚人而陳言之去者大抵皆在是可傳已嘗記成化庚子穆謁先生於吳城寓館時先生年已八袞不以穆爲不肖待之忘年穆雖不敢當然亦不敢忘也嘉善學生張倬先生孫壻子也家藏斯集與其友沈一之輩

鋟之於木俾穆引其端感念疇昔恍如隔世遂不辭荒
陋而僭書之正德十二年閏十二月後學丹陽都穆著

土苴集目錄

卷上

雜詩一百首

經鐵崖先生故居

臘月廿日立春

有感

虎丘

陪夏季爵大卿泛湖登南屏諸山

登鎮海樓

晏起五首

題水仙

梅花道人墓

感懷

百花鋪

范蠡

戊戌歲自壽

遣懷

有懷張子靜

孤山吊和靖先生

汎月

苦寒

丙午初夏喜雨二首

矍鑠

未死

成真道院

溪上

寫懷

責蠹

口號四首

瘞犬

水木清華亭

責鴈

題雜畫十首

甲午新歲九日臘盡

杏花

土牛

過臨平

疑舫亭

沈廷桂秋巖圖

燈蛾

檣烏

雨中懷陳叔莊

張學錄見訪

送春

次韻劉邦彥秋夜

苦熱

山亭

酒史

夕陽

留別陶氏昆季

淮南道中

冬夜

魚

與嚴志學話別二首

題張尙綱墓銘後

過沛縣

寄卞郎中華伯

偶成

次直沽

桃源圖

悼劉廷美僉憲

睡起

雜興十五首

旌忠廟

寄杜用嘉

秋夜二首

楊柳村寄李令

朱買臣婦

別丁文禮

楊妃醉歸圖

卷下

雜詩七十一首

登和靖先生墓

桐村書屋二首

水仙

晚興二首

月夜湖上二首

子陵

陳希夷

疑舫亭二首

勸農

村居

讀杜詩有感

絕句

書感

讀鐵厓詩

借舫亭

洞庭山

武林見月有感

七夕

鵲巢

覽秀樓

除夜

庚子元日

漁村

喜人穀二日不雨

桐村燈夕

辛丑春雪

書張將軍屋壁

檣燕

雨止

送陳司訓勗

雜興六首

隣屋

柳下

牡丹與鹿冠子同賦

鶴

晚泊孟城

水利

山居

飲凝碧軒觀寓槎子畫遂次其韻

江行

登陳山觀海

送任亨伯尹上饒 百鴈圖

溪行 憇秦溪道院留題壁間

露宿 感興二首

送汪大尹 寄張子靜兼柬史明古

游天竺三寺觀張士溫所書佛國山榜

送沈維忠之金陵 桐村小隱四首

四照閣留題 登寶石山崇壽寺

憩學軒

寄王原禹逸人 味泉

送周廷理沈廷榦會試

飲曹世瞻宅 趙松雪畫士女爲

薛廷貴題

張子俊畫松爲徐克宏題

秋林讀書圖爲朱汝器題

錢甥雲杏莊圖

附錄詩文十九首

次桐村小隱韻六首

題疑舫亭二首
次借舫亭韻

贈疑舫三首
賦黃鶴壽疑舫

懷桐村
別桐村

挽桐村三首
桐村繭室記蓋石文

土苴集目錄終

土苴集卷上

嘉興 周 鼎伯器

雜詩一百首

經鐵崖先生故居

不見鐵僊騎鶴來行人猶說草玄臺
孤城落日山九點蔓草寒烟春幾回
爭許寰中閒史筆每於雲外憶龍媒
惟應不死金錢月多少清光溢上台

臘月廿日立春

未過臘日春先至不信增年是減年
無物可汗心自白

有誰能染髮重玄城烏向曙空啼雪土犢逢時競着鞭
舊壘新桃應笑我此生慙負此青氈

有感

馴禽閉雕籠豈不愜幽賞寧復知彼情所樂在林莽野
人麋鹿姿驅之服塵鞅飈車海天遠歲月成俯仰伊誰
解同物開籠縱之往山果夏已熟原草亦盛長雲飛自
先後走山或下上睠茲脫鞅人千載當廟享

虎丘

人不能僊鬼亦仙是誰爲虎踞山顛無由可洗興亡恨
柰此慙慙石上泉

陪夏季爵大卿泛湖登南屏諸山
醉眼看山却自醒故令携酒作山行尋常一日此登眺
南北兩峰如弟兄欲借漁洲分燕席可嫌隣舫沸蛙聲
坐中不有紅塵客那更臨流濯我纓

登鎮海樓

連雲畫棟起崔嵬俯視滄溟小一杯丞相紫薇眞伯仲
仙人黃鶴可與臺秋聲到檻鯨波遏曙色涵窗蜃霧開
且復憑虛觀日上欲將清淺問蓬萊

晏起五首

殘月尙在牖荒雞已滿村高眠興不淺戀戀布衾溫

飽睡萬金直衰年八袞餘固應難起早非是愛迂疎
天欲留吾在多吟幾首詩不知孤枕上年與志俱衰
拙句巧安排花陰欲上階朝暾是何物真欲分形骸
夙興常事耳衰病日相尋何物非春曉多情爲擁衾

題水仙

涪翁被花惱不徹詩與花名兩清絕謂花豈必生羅襪
林下幽芳尙孤潔輕黃淡白淺宮粧凝笑相逢水晶闕
盈盈微影弄凌波一掬寒香浸明月我來對客挹清芬
水落天空衆芳歇美人娟娟隔蘭渚愛此可玩不可褻
金杯自薦玉蓮臺璫醴瑤芳飲寒冽贈我以鮫人所泣

之珠解我以洛妃所佩之玦珠以結歲寒之盟佩以持
君子之節不見涪翁空見花褰裳自步花前月題詩又
向畫中看醉墨淋漓吐雲葉似憐豔素欲傾城仙肌不
受緇塵涅安能句法縛雞行意外忽生奇語結涪翁涪
翁歸去來聽我當花歌白雪

梅花道人墓

千載文蘇後惟應見此翁卽看詩有畫莫掩氣如虹妙
句禪相似衰年竹愈工荒丘非是塔言外意無窮

先
終生

時大書題其墓曰
梅花和尚之塔

感懷